



18. august 2009

UKA 2009/36

Inatsisartut suleriaasianni §32 naapertorlugu aalajangiiffigisassatut siunnersuut imaattoq matumuuna saqqumippara.

Stipendiatinik tallimanik naalakkersuisut ukiut tamaasa Aningaasanut Inatsit aqqutigalugu ilisimatuusutsikkut misissuinerit qinnutigineqarsinnaasunik atugassanik kiisalu Kalaallit Nunaanni namminerisamik ilisimatuusutsikkut siunnersuisoqatigiinnik peqalernissamik siunnersuummik saqqumiusaqaarnissaannik inatsartunit peqquneqarnissaannik siunnersuut.

(Inatsisartunut ilaasortaq Juliane Henningsen, Inuit Ataqatigiit)

Tunnqavilersuut:

Ilimmarfiup pilersinneratigut Kalaallit Nunatsinni sutigut tamatigut pitsaalluinnartumik aningaasaliisuteqarsimavugut.

Ilisimatusarfimmi ilinniarumasut amerliartuinnarput, taamalu nunarput issittorlu pillugit ilisimatuusutsikkut sullivigissallugu annertuumik soqutigineqarpoq.

Kalaallit Nunaat pillugu ilisimatuusutsikkut suliat annertusiartupiloorput silaannaallu aallanngoriartorneranut tunnqasut pillugit ilisimatusarfissaq pinngoraluttualerpoq.

Taamak siuarsaaneq nunatsinnut annertuumik inuiaqatigiinnut pisuunguallatsitsisimasoq eqqortumik oqaatigineqarsinnaagunarpoq, tassanimi nunatsinni pisunik ilisimalikkanik katersuiveqalernitsigut ilisimatuusutsikkut misissuinerit, eqqortut tunnqavigalugit siunissami aaliangarsaanerit qitiusutut inissittussaammata.

Ullumikkut taamaallat pingasuinnarnik avitseqatigiilluni aningaasalersorneqartunik PhD-mut ilisimatusarnissamut atugassanik stipendiaqarpoq, ilaatigut Namminersornerullutik Oqartussat aningaasaliissutit tamakkiisut 1/3-anik pisussaaffigineqartunik. Qinnuteqaatit taakku ilisimatuusutsikkut siunnersuisoqatigiit KVUG-llu qinnuteqaatit tapiiffigineqartussat toqqartortarpaat.

Ilisimavarputtaq ukiut tamaasa stipendiatinut taakkununga pingasunut qinnuteqaatit tiguneqartartut pingasuniit amerlanerujussuusut

Ilisimavarput ullumikkut kalaallit nunaaneersunit Ilimmarfimmit, Qallunaat Nunaanniit nunanillu allani universititineersunit kandidatit naammassisartut amerliartuinnartut. Kisiannili qanoq iliornikkut kandidatit ilisimatuusutsikkut misissuinerimikkut ilisimatuunngorniarnissaat periarfissitissavagut? Ilisimatuusutsikkut ilinniarfik pilersikkusupparput nunaqavissunik ilisimatuunik sulisoqartoq inuiaqatigiit piumasaat pisariaqartitaallu tunnqavigalugit suliaqartoq.

Taamatut aaqqissuussinissaq ilaatigut qulakkeerniarsinnaavarput namminerisatsinnik ilisimatuussutsikkut siunnersuisooqatigiinnik pilersitsinitsigut.

Maannakkummi nunatsinni suut ilisimatusaatigineqassanersut pillugit nalilersuinerit, Qallunaat Nunaannit nunatsinniillu inuttalimmit KVUG-mit ingerlanneqartarpoq. Tamatuma saniatigut uagut nammineq aaliangersaanerunissatsinnut piffissanngorsoraara.

Ilimmarfiup nunattalu pisariaqartippai kalaallit inuiaat ilinniarluarsimasut – ilisimatusarnikkut periarfissaqarluartut inuiaqatigiinnilu pissutsinik nalilersuineri qitiusut.

Taamaattumik Inuit Ataqatigiinni isumaqarpugut stipendiatit pingasuiit kisiisa isumalluutigiinnarsinnaangikkivut, ukiummi taamaasa taakkunanga ilisimatusarusuttunit qinnutigiuarneqartarmata. Piffissanngunnginnerpa namminerisatsinnik ilisimatuussutsikkut siunnersuisooqatigiinnit pilersitsinissarput, taakuussammata nunatsinni suut ilisimatusarfigineqassanersut, suut inuiaqatigiinnut iluaqutaanerpaasinnaanersut ilisimatusarfigissallugit – inuiaqatigiinnut sinaakkusiarisassagaluarmatigit.

Kalaallit ilisimatusarusuttut siunissaannik pitsaasunik periarfissikkusukkutsigit suli annertunerusunik aningaasatigut atugassaannik periarfissiisariaqarpugut.

Kalaallinik PhD-nik ilinniagartuunik amerlasuunik peqalernitsigut siunissami ilisimasat inuiaqatigiinnut siammaakkiartortinneqartussaapput. Tamatumalu pingaaruteqassusaa assortoruminaappoq, nunamullu namminersortumut iluaqutaangaartussaavoq.